

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808191254 որոշումը անփոփոխ, իսկ գանգատն առանց բավարարման թողնելու մասին

<<09>> 08 2018թ. 17-4-4577

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, ուսումնասիրելով քաղաքացի Արթուր Ղազարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արթուր Ղազարյանը (հիմք՝87273-18) դիմում է ներկայացրել Ճանապարհային ոստիկանություն այն մասին, որ վարել է Ռուբիկ Գաբրիելյանի MERSEDES-BENZ մակնիշի 30 OL 444 հաշվառման համարանիշի տրանսպորտային միջոցը և խնդրել է նշված տրանսպորտային միջոցով կատարված իրավախախտումով կայացված թիվ 1808191254 որոշումը վերահասցեագրել իրեն:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների մասին>> ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Դիմումի ուսումնասիրության արդյունքում պարզվել է, որ դիմումատուն չի պահպանել վերոնշյալ իրավանորմով սահմանված պահանջները, մասնավորապես դիմումատուի տվյալները չեն համապատասխանում դիմումին կից փաստաթղթերի հետ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1.Ճանապարհային ոստիկանության վարչական տույժ նշանակելու մասին թիվ 1808191254 որոշումը թողնել անփոփոխ, իսկ գանգատն՝ առանց բավարարման:

2.Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3.Սույն որոշման օրինակն ուղարկել Արթուր Ղազարյանին (ծանուցման հասցե՝ Կոտայքի մարզ, Զովունի 9-րդ փողոց, 2.125, բն.41 , պատճենը՝ Ռուբիկ Գաբրիելյանին,Արմավիրի մարզ, Փարաքար, Երևանյան փող. տուն 52) և ՏՄՀԽԱ կենտրոն:



Ե. Կարապետյան